

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članovima 33. i 46. Zakona o izvršavanju Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23 i 4/24), na prijedlog Ministarstva zdravstva, Vlada Zeničko-dobojskog kantona, na 23. sjednici, održanoj dana 09.04.2024. godine, d o n o s i

ODLUKU

o usvajanju Programa utroška sredstava Ministarstva zdravstva na poziciji „Tekući transfer za udruženja iz oblasti zdravstva“ u 2024. godini

Član 1.

(Predmet)

Usvaja se Program utroška sredstava Ministarstva zdravstva na poziciji „Tekući transfer za udruženja iz oblasti zdravstva“ u 2024. godini, u iznosu od 50.000,00 KM (slovima: pedesethiljada konvertibilnih maraka) koji čini sastavni dio ove odluke.

Član 2.

(Način realizacije sredstava)

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u predhodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

Član 3.

(Realizacija Odluke)

Za realizaciju ove odluke zadužuju se Ministarstvo zdravstva i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-7295/24

Datum, 09.04.2024. godine

Zenica

PREMIJER

Nezir Pivić

DOSTAVLJENO:

1x Ministarstvo zdravstva,

1x Ministarstvo finansija,

1x „Službene novine Zeničko-dobojskog kantona“,

P R O G R A M

utroška sredstava Ministarstva zdravstva na poziciji „Tekući transfer za udruženja iz oblasti zdravstva“ u 2024. godini

I. PREDMET PROGRAMA

Ovim programom utvrđen je utrošak sredstava planiranih u Budžetu Zeničko-dobojskog kantona za 2024. godinu („Službene novine Zeničko-dobojskog kantona”, broj: 21/23) na razdjelu 21-Ministarstva zdravstva, budžetska organizacija 01, potrošačka jedinica 0001, ekonomski kod 614300- Tekući transferi neprofitnim organizacijama, subanalitika LAX017- „Tekući transfer za udruženja iz oblasti zdravstva“.

II. SVRHA PROGRAMA

Ministarstvo zdravstva, zbog nedovoljno planiranih sredstva za neprofitne organizacije u 2024. godini, a zbog evidentnog porasta broja osoba oboljelih od malignih oboljenja, kao i činjenice da je sve veći broj oboljelih mlađe životne dobi, planirana sredstva usmjerava za podršku udruženjima građana koja se u okviru svoje djelatnosti bave problematikom malignih oboljenja.

Svrha ovog programa je pružanje finansijske pomoći udruženjima građana iz oblasti zdravstva koja se bave okupljanjem i problemima oboljelih od malignih bolesti. Finansijska pomoć odnosi se na realizaciju aktivnosti, projekata/programa s ciljem:

- pružanja psihosocijalne podrške osobama liječenim od malignih bolesti i njihovim porodicama s ciljem lakšeg prihvatanja bolesti, liječenju i vraćanju normalnom životu,
- podrške u nabavci neophodnih pomagala u svrhu poboljšanja kvaliteta života oboljelih,
- promoviranja brige o vlastitom zdravlju i podizanju svijesti o značaju prevencije,
- edukacije kroz organizovanja javnih tribina i rasprava, okruglih stolova, treninga, radionica i slično.

III. VISINA SREDSTAVA

Visina sredstava utvrđenih ovim programom iznosi: **50.000,00 KM** (slovima: pedeset hiljada konvertibilnih maraka).

IV. IZVOR SREDSTAVA

Izvor sredstva za finansiranje ovog programa su planirana sredstva u koloni Izdaci iz Budžeta (izvor 10) Budžeta Zeničko-dobojskog kantona za 2024. godinu („Službene novine Zeničko-dobojskog kantona“, broj: 21/23), razdjel 21-Ministarstvo zdravstva, budžetska organizacija 01, potrošačka jedinica 0001, ekonomski kod 614300 – Tekući transferi neprofitnim organizacijama, subanalitika LAX017- „Tekući transfer za udruženja iz oblasti zdravstva“.

V. KRITERIJ ZA RASPODJELU SREDSTAVA

U skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije Bosne i Hercegovine“, broj: 15/18), raspodjela sredstava će se izvršiti putem javnog poziva za dodjelu sredstava.

Opći kriteriji raspodjele sredstava:

- Korisnici su registrovani u skladu sa Zakonom o udruženjima i fondacijama Federacije Bosne i Hercegovine („Službene novine Federacije Bosne i Hercegovine“, broj: 45/02) i Pravilnikom o načinu vođenja registra udruženja i fondacija i stranih i međunarodnih nevladinih organizacija („Službene novine Federacije Bosne i Hercegovine“, broj: 61/02),
- Korisnici imaju sjedište na području Zeničko-dobojskog kantona,
- Broj članova udruženja,
- Svojim radom doprinose unapređenju rješavanja pitanja oboljelih od maslignih bolesti,
- Da su izmrili sva dospjela poreska i druga dugovanja

Posebni kriteriji raspodjele sredstava su:

- Kvalitet i pripremljenost projekta
- kvalitet planiranih aktivnosti i njihova povezanost sa problemima koji su osnov za utvrđenje prioriteta,
- dosadašnje iskustvo u provođenju istog ili sličnog projekta,
- Budžet projekta specificiran na način da se može utvrditi ukupna vrijednost za realizaciju projekta/programa, vlastito učešće u realizaciji projekta/programa, iznos sredstava iz drugih izvora (donacije) i iznos sredstava koji se traži od davaoca sredstava po javnom pozivu.
- očekivani rezultati od realizacije aktivnosti/projekta,

VI. KORISNICI SREDSTAVA

Korisnici sredstava ovog Programa su udruženja građana iz oblasti zdravstva koja su registrovana na području Zeničko-dobojskog kantona u skladu sa uslovima iz javnog poziva za sufinansiranje projekata koji će se realizovati na području Zeničko-dobojskog kantona.

Transferisanje sredstava vršit će se u u iznosima i dinamikom na osnovu javnog poziva i posebne odluke Vlade Kantona o odobravanju sredstava.

Za realizaciju ovog programa zadužuju se Ministarstvo zdravstva i Ministarstvo finansija Zeničko-dobojskog kantona svako u okviru svojih nadležnosti.

VII. IZVJEŠTAVANJE KORISNIKA

Korisnici sredstava dužni su Ministarstvu zdravstva podnijeti izvještaj o namjenskom utrošku sredstava u skladu sa posebnom Odlukom Vlade Zeničko-dobojskog kantona o odobravanju sredstava i uslovima iz javnog poziva.

VIII. IZVJEŠTAVANJE MINISTARSTVA

Ministarstvo zdravstva dužno je, u skladu sa članom 46. stav (4) Zakona o izvršavanju Budžeta Zeničko-dobojskog kantona („Službene novine Zeničko-dobojskog kantona“, broj: 21/23) o utrošku sredstava po ovom programu polugodišnje izvještavati Vladu Zeničko-dobojskog kantona.

Broj: 02-11-7295/24

Datum, 09.04.2024. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,

1x „Sužbene novine Zeničko-dobojskog kantona“,
1x a/a.